

中國地方志集成

浙江府縣志輯②④

同治湖州府志(二)

江蘇古籍出版社 ● 上海書店 ● 巴蜀書社

封面設計 范一辛

責任編輯

盧建幸
王海浩

中國地方志集成
浙江府縣志輯②④

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 二五九元

1993年6月第1版 1993年6月第1次印刷

ISBN7-80569-835-X/K·130

沪新登字119号

重修湖州府志敘

古者建邦設都則必紀其山川疆理
土俗以成一方掌故之書如周禮職
方氏所掌道園道誌載在簡編藏之
典府而賢士大夫皆得有所諮詢攷
證以知政教得失民生利病人心風

湖州府志

序

俗之盛衰者也近代省郡縣胥有志
溯中自經寇亂志半就燬余撫浙之
明年湖州周縵雲侍御陸存齋觀察
亟議重修郡志署守宗君源瀚陳其
事會余有修通志之議遂檄十一府
屬先修郡縣志越二年而湖志首成

是則諸君子之敏事也六朝以來吳
興為大郡紀載爛然昔賢於此兢兢
三政意焉顧其書多佚有明四志亦
不概見

國朝為志者二皆在乾隆之際距今百
餘年事變多矣文獻流傳其湮沒而

湖州府志

序

不彰者何可勝道且余嘗隨左恪靖
伯平浙江賊湖竄後克崎嶇戎馬凡
山川之形勢道里之險夷多身歷其
境而減漕賦定兵制諸大政亦於湖
開係為較鉅蓋兩浙山水明秀而湖
獨襟震澤負天目其浩瀚雄拔之氣

豈以饒土物而爵人文其開阨阻隘
足以限勇兵而為抗會之屏蔽不特
蠶桑之利專美東南也志願可緩乎
哉史氏專家之學或父子祖孫仍世
編述其有奉詔纂修者則又合眾人
之長發天祿石渠藏書以供蒐討其

成纂雖其流布亦易志之顯晦絕續
固視史為尤甚若星者時為之邪今
夫昔之有志非不載在簡編藏之典
府然無數十百年而不愛其建置興
廢因革損益與夫嘉言懿行之接踵
而代興者事或失傳即傳矣又或殘

闕放佚寢至漫滅而莫可復攷星霜
兵燹之銷蝕於其前而微顯闡幽之
有待於其後當是時有賢士大夫者
出網羅舊聞參稽載籍孜孜矻矻奮
筆折衷以為己任而於是輟者出墜
者舉散者合缺者完此其事固非偶

然今觀斯志義類詳而法援斷典而
核宏贍也而不失之蕪爾雅也而不
失之史事增於舊文亦信之諸君子
亟成是編殆猶昔賢之志也夫
同治十三年歲次甲戌十二月 日
兵部侍郎兼都察院右副都御史巡

撫浙江等處地方提督軍務節制水陸各鎮兼管兩浙鹽政湘鄉楊昌濬拜撰



湖州府志

序

五

重修湖州府志序

同治九年源瀚權守湖州時方有

廷旨請辭漢港大府檄予條其利病予請並辭碧浪湖乃進郡之士大夫

講求水道源委鈕君王林示以郡人幾介聘東南水利畧其中言港湖形勢曲折盡備而考之舊志顧甚畧且湖以蠶桑之利擅天下舊志於蠶桑惟紀近人樂府十餘首而已予乃有慨然修志之意顧兵鋒甫息書籍焚如文獻將湮搜求匪易時陸存齋觀察方里居毅然願任其事曰湖有書船風善聚書兵後吾得於書船者尚不下數萬卷可盡出以供搜討吾湖汪謝城修南潯鎮志引書至千餘種號稱賅博可與一時方聞綴學之士羅而致之志事將咄嗟辦也諮之周縵雲侍御以爲然又得潯溪蔣海珊力籌經費而存齋與縵雲諸君

湖州府志

卷首

序

下

創定凡例陳義甚高遂開志局於愛山書院明年予以受代去又明年存齋亦出山而謝城官會稽教諭亦不時至中間徐小谿沈旭庭以事牽率去來無定其始終編纂草草迄忘廢食疲寒暑而不辭者則有丁君葆書予去湖後守嚴守禾丁君每編一門必緘示初稿予方困於簿書未暇詳也今年夏秋間數寓書言湖志將成促予爲序爰取緘稿披覽一過竊惟周官外史掌四方之志注謂若晉之乘楚之檮杌魯之春秋是今之方志卽古之列國之史自後人墨守圖經專屬地理侈陳浮藻罔識史裁纂事紀言取譏無夢久矣乾隆中會稽章實齋獨具卓識以爲志者志也其事其文之外必有義焉不明乎史家著作之義不足以爲志然則志豈易言湖志唐以前不傳傳者宋談論吳興志而陳振孫以爲草率未盡善明修如勞王張栗

諸志鄭正哇欲取以覆瓿正哇爲湖錄竭十三年之心力自以爲置
毀譽恩怨天刑人禍於不卹而湖錄卒不行世然則湖志又豈易言
今得數君子精心銳力編纂成書雖於章會稽義例有出入然輿地
經政分門知方志非地理專書藝文金石惟詳考存佚與作者大義
明志乘非類選詩文皆深合會稽旨趣開纂之初徧緝四部取材宏
富人物視舊志增益無算其間訂譌補正起正哇於地下亦將相視
而笑用力可謂勤矣冠禍蕩滌而後民物漸殷考往知來掌故是亟
大府方議修省志必以列郡爲先導湖志將爲四方取法予荒昧罔
職體要何足以序是書願予於是書獲則經始之列前者疏港濬湖
功甫及半而去恆以未深究利病爲憾今郡志於去湖後猶樂觀其
成不可謂非厚幸爰爲詳載緣起書於簡端云

湖州府志

卷首 序

同治十三年冬十月浙江補用道 賞戴花翎嚴州府知府前署湖
州府知府上元宗源瀚序

重修湖州府志序

自古志乘多簡畧宋南渡後州郡各有志嘉泰間郡人談論撰吳興
志陳直齋譏其草率未盡善然湖志以此爲最古明成化朝郡守勞
鉞修志率本是書其書今已稀覯所傳者永樂大典輯本然傳寫多
誤字勞志不得見宏治間王珣修志又襲勞志而增益之與勞無甚
異後嘉靖萬曆重修則更畧而未備郡人鄭正哇元慶生干

國朝康熙間以湖州志乘屢修而竟無善本脫畧訛謬不一而足因
著湖錄百卷搜羅富有以補談志及明以來志書所未備而於明代
掌故尤徵博物惜其書未刊行乾隆朝郡守胡李二公兩修府志多
掇取是書而不著鄭元慶名爲可恨也距今百餘年又經兵燹胡李
二志并不易得前守宗公懼文獻之將就湮沒創修府志賴周履雲

湖州府志

卷首 序

待御陸存齋觀察相與有成復萃羣英訪耆舊參考得失陸君存齋
乃盡發其藏書以供探索閱書至數萬卷而後成書大凡修志者多
沿襲舊文稍爲增益以塞責此修志之通病而此書皆從核實自正
史別史以及稗官小說宋元以來文集繁徵博引取信將來非特訂
正胡李二志之誤脫即以校鄭正哇湖錄詳審過之是志創修于庚
午冬季三年而書成榮緒將去任猶戀戀於諸君焉若夫舊志源流
前人得失則以榮緒所習聞於陸君存齋丁君葆書之說著於篇首
是爲序

同治十三年歲在甲戌五月 賜進士出身翰林院編修湖州府
知府番禺楊榮緒序

重修湖州府志序

湖爲浙西一大郡山川清淑土田豐美上下數千年間一切官府職守貢賦因革損益與夫忠孝節義題詠著述有關於世者幾於歲有其事地有其人以故自吳韋昭迄明季著錄者不下數十家然世所稱爲善本者則僅推宋談鑰志明之勞王張栗四志式昌纂客杭嘉間屢求其書而年遠散佚並

國朝乾隆時郡守胡李二公重纂之志亦不可多得益烽燧游經板籍湮沒而向之藏書家亦流離棄擲者久矣今年夏權視郡事退食之暇亟求是書以稽考得失於是郡紳侍御周君縉雲觀察陸君存齋以新纂郡志原本見示受而讀之蓋兩君實倡是舉者也奉檄創辦者前太守上元宗君湘文也踵而成之者番禺楊君黼香也藏書

湖州府志

卷首 序

滿家足供蒐羅參考者則陸君存齋也而在事諸衙儒碩彥章劍澗色磨勘校對皆得其人雖風暄宵雨丹黃甲乙輒落筆不休以故自同治九年冬季開纂不四年而書成凡爲圖一表十七畧四十五錄二傳二十八共都爲九十一卷而附以緣起雜綴辨證五卷較舊志增半焉駮矣哉何成之速也雖然志者史之流也史足以傳人而亦因人以傳而要之其人其書不得其時而終不傳是志也自乾隆戊寅沔陽李君重修後迄今已百餘年矣夫此百餘年中日新月異事豈無增於前者而未聞有要最著於官書使守土者辨其利察其俗何也豈前之人勤於後耶抑操觚者視其滄桑猿鶴巒谷變遷有不忍述之者耶非也時未至也時至則宏功豐澤布於上文物民獻備於下有通上下之情者亟求其山川風俗人物以爲考驗有守是

士者以文學經術敷布吏治而是邦亦有賢士大夫相與旁搜廣集之遂使百年未纂之書一旦哀然成集而完且富焉而適逢其時者既得見昔年求而不可多得之書而尤獲與於校讐參訂之役焉則亦不可謂非厚幸也夫

同治十有三年歲次甲戌十月署湖州府知府候官郭式昌謹序

湖州府志

卷首

序

重修湖州府志序

余少讀湖州府志卽病其疏舛擬作府志補正積冀盈篋遭亂亡失同治六年奉諱歸田重理舊業旋值上元宗湘文觀察權守湖州諮詢地方利病余首以府志爲言周綬雲侍御力贊成之遂於同治九年開局於愛山書院延汪謝城廣文徐小豁孝廉丁寶書處士分任纂輯余盡發藏書十餘萬卷以資搜討天文建置二表蠶桑風俗物產三畧謝城廣文任之疆域輿地經政各畧小豁孝廉任之金石藝文二畧寶書處士任之人物名位余與綬雲侍御寶書處士同任之明以前傳編纂甫就會余奉旨赴閩不能兼顧每一卷成處士必以初藁寄閩余簿書之暇亦時參末議至今年秋全書告成建置則正談志之訛疆域則削王志之謬鄉鎮都圖前明舊制也舊志承襲湖州府志

卷首

一

則改之水利蠶桑湖郡要務也舊志簡畧則廣之名宦人物旁稽古籍凡增補五百餘人續纂三百餘人刪其附會無徵者十餘人列女傳仿劉向之例貞節之外兼收賢媛閨秀凡增一千餘人金石藝文二畧搜存考佚窮源溯流增於舊志數倍爲卷九十有六計二百四十餘萬言處士遺書閩中謂余倡議之人不可以無序余維近時志書論者皆推尊謝氏廣西通志阮氏廣東通志徵引浩博體例嚴明此書悉仿其例至於考古之詳引書之富有過之無不及也獨念余頻年軼掌走俗抗塵不能與諸君子商量舊學竊其見聞觀全書之成其欣慰而愧慙者將何如也

諸授資政大夫三品頂戴前分巡廣東高廉兵備道署福建鹽法道事加四級歸安陸心源叙

重修湖州府志職名

鑒定

兵部侍郎都察院右副都御史巡撫浙江等處地方兼管鹽政楊昌濬

主脩

補用道今任嚴州府知府署湖州府知府宗源瀚

候選道湖州府知府楊榮緒

補用道署湖州府知府郭式昌

總纂

四品銜山東道監察御史周學濬

三品頂戴廣東高廉道今署福建鹽法道陸心源

會稽學教諭汪曰楨

湖州府志

卷首

職名

分纂

舉人徐有珩

歸安布衣丁寶書

協纂

舉人施補華

候選直隸州州同恩貢生章綬衡

候選訓導張炳森

採訪

吏部文選司主事孫祿增

兵部武選司主事周學洙

舉人周官錦

舉	人王毓辰
舉	人張行孚
候	同沈吾
同	知銜候選州同貢生陳首尊
安	吉縣訓導何學鄭
署	定海廳教諭試用訓導李宗蓮
候	選訓導陳根培
考	取教職拔貢生陳詩
副	貢生鈕福弼
貢	生鈕福惇
貢	生王思儼
參校	增
增	生秦如彪
國	學
董事	生鈕家標
舉	人邵棠
監刻	
前	署永康縣教諭試用訓導高鳳藻

湖州府志

卷首

職名

二

凡例

一湖州有專志肇始於唐陸羽吳興圖經今佚不傳傳者宋談鑰吳興志前明勞王張栗四家蒐舊增新俱稱府志國朝自乾隆初前知府胡承謀李堂先後纂修迄今百有餘年人才輩出不一而足久且就湮至於田賦之減額兵制之裁併水利之通塞尤一方利病所關未便因襲舊典今博考遺書參稽案牘分門臚列以示來茲總期不濫不遺可徵可信

一志爲史家之流郡之有志卽古者一國之史其志天文卽史之天文志也志形勝疆域山川風俗卽史之地理志也志戶口田賦農桑物產卽史之食貨志也志學校壇廟卽史之禮志也志水利津梁卽史之河渠志也志祥異卽史之五行志也志著述卽史之藝

湖州府志

卷首

凡例

一

文志也志名宦卽史之世家載記也後世修志者但知表傳兩體餘則先後倒置門類雜糅謝蘊山中丞修廣西通志講求體例以典代紀以錄代世家以畧代志阮文達公稱其載錄詳明體例雅飭因之修廣東通志其後陶文毅修安徽通志孫文靖修福建通志皆用之而志之體例始絕今仿其例而變通增損之更定舊志次序以符史體

一志體相承首列分野似遼闊不切於用竊以詩書紀時如鳥火虛昴半爲農事而定中冰泮則力役嫁娶應候無愆因知古人婦孺皆識天文今獨闕焉故先作北極高度表示遙拱之義而以晷影中星氣候諸表繼之亦以夏令相儆之意也

一官師表布政按察分司曾駐湖州從舊志載之自廢分司署後

祇載郡守以下不及統轄大僚以符體制而紀名宦則兼及節鎮監司甘棠遺愛民不能忘也

一舊志有帝王表及后妃表因陳代實起長城不容漏畧而事關一代之興衰非僅係一郡之掌故故祇爲表以識之附以秀邸者以類相從也今仍其舊

一舊志有封廕表今亦仍之但以曾任州縣以上官已領 誥軸者爲斷至於 恩廕難廕則亦必憑公牘書之

一顏魯公石柱記載帝顓頊豕吳大帝陵春秋鳩茲城之類皆里俗相傳無所徵信但相承已久姑從存疑

一志寺觀所以存古蹟非以崇釋老自兵燹之後寺觀大半無存今仿廣東通志以寺觀附於古蹟之後其無關古蹟而基已燬者畧

湖州府志

卷首

凡例

二

加刪汰舊志所無非奉

賜額一概不增以示貶抑異教之義

一金石文字足資考證鄺道元水經注輒多載漢晉碑刻良有以也

舊志碑版一門缺畧不全卽阮文達公兩浙金石志亦多掛漏今廣爲搜輯元以前不論存佚悉錄全文明以後存其目惟取其有關掌故者錄全文以備考

一藝文之名昉於班氏歷代史因之舊志以詩文之可資考證者散入各門別立著述一類釐分四部載郡人著作深合孟堅之言惟歲久書亡頗難區別今仿太倉州王志蘇州府石志例以書從人以人從代且仿廣東通志例恭錄 提要節錄序跋以存著書大意

一舊志人物不分門類今仿王文恪姑蘇志例凡有大學問大事業大氣節以及其人雖不純前史編入列傳及 國史有傳者皆入列傳其以一節著者編爲政蹟孝義殉節文學武功隱逸藝術列女八類而以流寓釋道附於後

一志之異於史者稱美而不稱惡然事必可徵文須取信如經濟則紀其所興何利所除何弊諱直則紀其所言何事所効何人文學則紀其所宗何經所著何書方可傳信一切雷同浮泛之言概從刪汰

一列傳所采近人撰著中有地名官名出身以今從古者如順天稱北平巡撫稱中丞修撰稱狀元之類悉爲改正詞章不妨用古名者不拘此例

湖州府志

卷首

凡例

三

一顯官達宦勝游雅集文人學士結社聯吟原不過一時之美談無關一郡之利害舊志別立勝集一門是以志書爲說部矣今併入雜綴以符史體

一地志引羣書注明出處始於宋潛說友臨安志其後浙江廣東廣西湖南安徽各通志嘉興蘇州各府志皆因之談志畧注出處胡志不注出處未免無徵不信今編考正雜各史舊聞雜說及漢魏六朝唐宋元明及 國朝前人文集於各條下注明出處譌者正闕者補其近時事迹或據公牘或採鄉評已經考核得實則以新纂別之其或折衷羣說歸於一是特標案語以期傳信
一引前志非一家在前朝則稱談志或稱吳興志及勞志王志張志栗志以別之若 國朝胡李兩家或概稱舊志或分別稱之又引

各縣志初見則稱某人某縣志屢見但稱縣某志外所引書籍初見則標著書人姓名及書名全目如張元之吳興山墟名周處吳興風土記之類後不舉全目如止何山墟名風土記之類以省繁文

一舊志自談鑰以下纂修本末悉為敘錄列於卷末談志以前有已佚者亦列其名為府志緣起

一舊志引羣書多有差誤業已隨條刊正其有關掌故或恐貽誤後人者別為辨証一卷綴諸卷末

湖州府志

卷首

凡例

四

湖州府志目錄

卷一

圖十四

卷二

天文表

卷三

建置表并攷

卷四

疆域表道里 界鋪 坊巷 鄉都區莊

卷五

職官表監司 郡守 都佐

湖州府志

卷首

目錄

卷六

職官表州縣

卷七

職官表州縣佐

卷八

職官表教職 武職

卷九

帝王表 后妃表 列爵表

卷十

選舉表進士一

卷十一

選舉表 進士二

卷十二

選舉表 舉人一

卷十三

選舉表 舉人二

卷十四

選舉表 貢生一

卷十五

選舉表 貢生二 薦舉

卷十六

封蔭表

湖州府志

卷首 目錄

二

卷十七

輿地畧 形勝 城池 公廨

卷十八

輿地畧 學校

卷十九

輿地畧 山上

卷二十

輿地畧 山下

卷二十一

輿地畧 水

卷二十二

輿地畧 村鎮

卷二十三

輿地畧 津梁 塘堰

卷二十四

輿地畧 陵墓

卷二十五

輿地畧 古蹟一

卷二十六

輿地畧 古蹟二

卷二十七

輿地畧 寺觀上

湖州府志

卷首 目錄

三

卷二十八

輿地畧 寺觀下

卷二十九

輿地畧 風俗

卷三十

輿地畧 蠶桑上

卷三十一

輿地畧 蠶桑下

卷三十二

輿地畧 物產上

卷三十三

輿地畧 物產下

卷三十四

經政畧 田賦一

卷三十五

經政畧 田賦二

卷三十六

經政畧 田賦三

卷三十七

經政畧 田賦四

卷三十八

經政畧 田賦五

湖州府志

卷首

目錄

四

卷三十九

經政畧 戶口 橫貯 鹽法

卷四十

經政畧 祀典

卷四十一

經政畧 兵制 驛遞

卷四十二

經政畧 賑卹 蠲免

卷四十三

經政畧 水利

卷四十四

前事畧 雜異

卷四十五

前事畧 記兵

卷四十六

金石畧 一

卷四十七

金石畧 二

卷四十八

金石畧 三

卷四十九

金石畧 四

湖州府志

卷首

目錄

五

卷五十

金石畧 五

卷五十一

金石畧 六

卷五十二

金石畧 七

卷五十三

金石畧 八

卷五十四

金石畧 九

卷五十五

金石畧 十

卷五十六

藝文畧 一

卷五十七

藝文畧 二

卷五十八

藝文畧 三

卷五十九

藝文畧 四

卷六十

藝文畧 五

湖州府志

卷首 目錄

六

卷六十一

藝文畧 六

卷六十二

名宦錄 一

卷六十三

名宦錄 二

卷六十四

人物傳 列傳 一

卷六十五

人物傳 列傳 二

卷六十六

人物傳 列傳 三

卷六十七

人物傳 列傳 四

卷六十八

人物傳 列傳 五

卷六十九

人物傳 列傳 六

卷七十

人物傳 列傳 七

卷七十一

人物傳 政蹟 一

湖州府志

卷首 目錄

七

卷七十二

人物傳 政蹟 二

卷七十三

人物傳 政蹟 三

卷七十四

人物傳 文學 一

卷七十五

人物傳 文學 二

卷七十六

人物傳 文學 三

卷七十七

人物傳 孝義

卷七十八

人物傳 殉節

卷七十九

人物傳 殉節姓氏

卷八十

人物傳 隱逸 武功 蘇術

卷八十一

人物傳 列女一

卷八十二

人物傳 列女二

湖州府志

卷首

目錄

八

卷八十三

人物傳 列女三

卷八十四

人物傳 列女四

卷八十五

人物傳 列女五

卷八十六

人物傳 列女六

卷八十七

人物傳 列女七

卷八十八

人物傳 列女八

卷八十九

人物傳 列女九

卷九十

人物傳 寓賢

卷九十一

方外傳 釋道

卷九十二

府志錄起

卷九十三

雜綴一

湖州府志

卷首

目錄

九

卷九十四

雜綴二

卷九十五

雜綴三

卷九十六

辨證

湖州府志目錄終

湖州府志卷第一

圖：

湖州府境全圖

烏程縣境圖

長興縣境圖

武康縣境圖

孝豐縣境圖

天目山圖

道場山圖

湖州府城圖

歸安縣境圖

德清縣境圖

安吉縣境圖

太湖圖

弁山圖

碧浪湖圖

湖州府志


卷一

湖州府境全圖

東北到江蘇震澤縣界

東至震澤縣界

東南到房山州縣界



湖州府志

卷一

西北到江蘇荆溪縣界

西至安徽廣德州界

西南至安徽寧國縣界

江蘇荊溪縣界



湖州府城全圖

每方四分里之一

里橫四方爲一里城內東西廣

府治子午 烏程縣治縣學子午 歸安縣治丑未縣學癸丁
奉勝門癸丑 臨湖門丑辰 迎春門乙 定安門丙 清源門
迎禧門乾戌 辛

